



Broj: 01/2-04-364-3/2026
Breza, 24.03.2026. godine

Na osnovu člana 70. i 72. stav (3) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javne nabavke (broj: 02/1-2-11-434-14/2026 od 24.03.2026. godine) u postupku javne nabavke radova: „**Izgradnja Sportske dvorane u naselju Mahala općina Breza – izvođenje dijela radova**“, Općinski načelnik, d o n o s i

ODLUKU

o dodjeli Ugovora drugorangiranom ponuđaču za nabavku radova: „**Izgradnja Sportske dvorane u naselju Mahala, općina Breza – izvođenje dijela radova**“

Član 1.

- (1) Prihvata se Preporuka Komisije za javne nabavke (broj: 02/1-2-11-434-14/2026 od 24.03.2026. godine) i Ugovor za javnu nabavku radova: „**Izgradnja Sportske dvorane u naselju Mahala, općina Breza – izvođenje dijela radova**“ dodjeljuje se drugorangiranom ponuđaču „**TERMO-BETON**“ d.o.o. Breza, (broj: 145/26 od 05.03.2026. godine) za ponuđenu cijenu od **796.300,00 KM bez PDV-a, odnosno 931.671,00 KM sa PDV-om** u skladu sa ponudom Ponuđača (broj: 145/26 od 05.03.2026. godine) i Izvještajem o toku i završetku e-aukcije (broj postupka: 726-1-3-5-3-4/26).
- (2) Poništava se Odluka o izboru najpovoljnijeg ponuđača „**BRUDERHERZ & CO**“ d.o.o. Lukavac broj: 01/2-04-364-2/2026 od 16.03.2026. godine.

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti, u roku od 5 (pet) dana od dana prijema ove Odluke, originale ili ovjerene fotokopije dokumenata iz člana 45. Stav (1) tačke od a) do d) Zakona o javnim nabavkama, ne starije od 3 (tri) mjeseca računajući od momenta predaje ponude, u skladu sa tačkom C)12) Tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove Odluke zadužuje se i ovlašćuje Služba za privredu i Služba za finansije, inspeksijske poslove i opću upravu, svako u okviru svojih nadležnosti.

Član 4.

Ova Odluka objavit će se na web-stranici Općine Breza, (www.breza.gov.ba), istovremeno s upućivanjem iste kvalifikovanim ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim kvalifikovanim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

OBRAZLOŽENJE

Ugovorni organ je aktom broj:01/2-04-364-2/2026 od 16.03.2026. godine donio Odluku o izboru najpovoljnijeg ponuđača „BRUDERHERZ & CO“ d.o.o. Lukavac, koja je istog dana uz Obavještenje o rezultatu postupka javne nabavke, Zapisnik o pregledu i ocjeni ponuda i ostalu dokumentaciju, dostavljena ponuđaču „BRUDERHERZ & CO“ d.o.o. Lukavac i svim ponuđačima koji su učestvovali u postupku javne nabavke.

Izabrani ponuđač je bio u obavezi da u roku od 5 (pet) dana od dana prijema Odluke, dostavi dokaz - Lična sposobnost – član 45. stav (1) tačke od a) do d) Zakona o javnim nabavkama BiH, i to:

a) izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;

Za dokazivanje odredbi člana 45. stav (1) tačka a), u vezi sa stavom (2) tačka a) iste odredbe Zakona, kandidati/ponuđači su dužni dostave uvjerenje Suda BiH i prvostepenog suda prema sjedištu pravnog lica, odnosno kandidata/ponuđača).

b) izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;

c) potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.

d) potvrde nadležne/ih institucija o uredno izmirenim obavezama po osnovu direktnih i indirektnih poreza.

S obzirom da je ponuđač „BRUDERHERZ & CO“ d.o.o. Lukavac propustio u navedenom roku dostaviti originale ili ovjerene kopije dokumenta iz člana 45. stav (1) tačka od a) do d) u skladu sa uslovima iz tenderske dokumentacije, primjenom člana 72. stav (3) tačka b), Zakona o javnim nabavkama BiH, odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, u skladu sa članom 99. Zakona o javnim nabavkama („Službeni glasnik BiH“, broj: 39/14, 59/22 i 50/24).

Predlagač: Služba za privredu, Haris Nefić

Obrađivač: Jasmina Došlić

DOSTAVLJENO:

- 1x Svim kvalifikovanim ponuđačima koji su učestvovali u postupku JN
- 1x Služba za privredu
- 1x Služba za finansije, inspeksijske poslove i opću upravu
- 1x web stranica
- 1x Evidencija
- 1x a/a

OPĆINSKI NAČELNIK

Vedad Jusić